

UNIVERSITI SAINS MALAYSIA

**Peperiksaan Semester Pertama
Sidang Akademik 1988/89**

IMK 313/4 - Prinsip Pengawetan Makanan

**Tarikh: 4 November 1988 Masa: 9.00 pagi - 12.00 tengah hari
(3 jam)**

Jawab mana-mana 5 (LIMA) soalan dari lapan yang diberi.

Semua soalan mesti dijawab di dalam Bahasa Malaysia.

Tiap-tiap soalan diperuntukkan 20 markah.

Sila pastikan kertas soalan ini mengandungi 8 soalan

dan 6 mukasurat bercetak.

1. Tulis sebuah karangan mengenai kestabilan jem. Karangan anda perlu merangkumi kestabilan fiziko-kimia dan kestabilan mikrobiologis, konsep-konsep yang terlibat dalam kestabilan itu, serta langkah-langkah untuk mencegah atau mengatasi kecacatan yang terlibat.
2. Makanan boleh diawet dengan menggunakan beberapa kaedah yang ada, termasuk keterapan bahan pengawet ke atas makanan. Pada amnya, perikan mekanisma-mekanisma tindakan bahan-bahan anti-mikrobial yang digunakan di dalam makanan, rasional kegunaannya, dan perundungan terhadapnya.
3. Jawab kedua-dua bahagian soalan ini.
 - (a) Terbitkan satu sebutan yang menunjuk jumlah masa pengeringan untuk makanan di dalam alat pengering.
 - (b) Sebuah alat pengering terowong sedang direka untuk mengering kepingan buah jambu batu dari kandungan kelembapan awal sebanyak 70% (pada asas basah)

sehingga kandungan kelembapan akhir sebanyak 5% (pada asas basah). Sesuatu kelok pengeringan eksperimental untuk hasilan itu menunjuk iaitu kandungan kelembapan adalah 25% (pada asas basah) dan masa untuk pengeringan secara kadar malar adalah 5 min. Dengan menggunakan maklumat yang diberi, anggarkan jumlah masa pengeringan untuk hasilan itu.

4. Beri ulasan kritikal atas keempat-empat pernyataan-pernyataan yang berikut:

- (a) Sesuatu makanan terkaleng patut mempunyai vakum dalam kaleng itu.
- (b) Air bermutu minuman patut digunakan untuk menyejukkan kaleng selepas pemprosesan.
- (c) Sesuatu kaleng kembung adalah penunjuk kerosakan.
- (d) Untuk menjeruk buah-buahan atau sayur-sayuran, "curing" boleh dijalankan dengan menggunakan garam sama ada dengan fermentasi atau tanpa fermentasi.

5. Jawab kedua-dua bahagian soalan ini.

- (a) Terbitkan sesuatu sebutan yang menunjuk perhubungan masa-suhu untuk mendidihkan makanan cecair di dalam sebuah bekas yang berjaket stim.
- (b) Sesuatu kelompok minyak kelapa sawit sedang dipanaskan di dalam sebuah bekas "agitated" serta berjaket stim yang mempunyai permukaan pemanas luasnya 1.5 m^2 . Seandainya suhu stim 130° dan suhu awal dalam minyak itu 20° , anggarkan suhu minyak selepas masa 10 min.

Data yang berkenaan:

Haba spesifik minyak 2 kJ/kg.K .

Massa minyak 6800 kg .

Koefisien pemindahan haba konvektif $500 \text{ W/m}^2 \cdot \text{K}$ pada sebelah minyak dan $10,000 \text{ W/m}^2$ pada sebelah stim.

6. Bezakan (dengan menggunakan gambarajah sekiranya perlu) antara keempat-empat "pasangan" alat atau proses berikut:

- (a) Alat penyejukbeku Birdseye jenis "double-belt" dan "multiple-plate".
- (b) Alat "shelf-drier" vakum dan alat pengering-sejukbeku.

- (c) Proses penyejukbekuan cepat (quick-freezing) dan proses penyejukbekuan lambat (slow-freezing).
- (d) Proses pasteurisasi "flash" dan proses pasteurisasi "holding".
7. Apakah sinaran elektro-magnetik (electro-magnetic radiations)? Sebut jarak-jarak gelombang sinaran mikrogelombang dan sinaran infra-merah yang digunakan dalam pemprosesan makanan. Beri ulasan terhadap dalamnya penembusan sinaran itu dan keterapan-keterapan sinaran itu dalam pengontangan makanan.
8. Jawab kedua-dua bahagian soalan ini.
- (a) Terbitkan persamaan Planck yang digunakan untuk mengirakan masa penyejukbekuan.
- (b) Makanan-makanan dikatakan menyejukbeku apabila air yang di dalamnya bertukar dari taraf cair ke taraf pejal. Daging akan menyejukbeku pada suhu -1.75°C . Sekeping daging yang tebalnya 5 cm sedang disejukbekukan di dalam kamar yang suhunya -30° . Daging itu mempunyai kandungan kelembapan 73%,

kemampatan 970 kg/m^3 , dan kekonduktifan termal (dalam taraf sejukbeku) 1.1 W/m.K . Pertukaran entalpi untuk transisi air menjadi ais ialah 278.2 kJ/kg . Pergerakan udara di dalam kamar penyejukbeku memberi koefisien pemindahan haba konvektif sebanyak $5 \text{ W/m}^2\text{.K}$. Dengan menggunakan persamaan Planck, angarkan masa penyejukbekuan.

oooooooooooo